

書
經
要
義

周書

召誥

朱子因論周誥難泥不可曉云。竊意當時風俗恁地說話，人便都曉得，如這物事喚做這物事，今風俗不曉得，這物

事，便曉不得，如蔡仲之命，君牙等篇，乃當時與士大夫語，似今翰林所作制誥之文，故甚易曉。如誥是與民語，乃今官司行移曉諭文字，有帶時語在其中。今但曉其可曉者，不可曉處，則闕之可也。陳東齋謂洛邑天下之至中，鎬京天下之至險，成王於洛邑定鼎，以朝諸侯，其示天下也公，於鎬京定都，以壯基本，其慮天下也遠。漢唐並建兩京，蓋亦識形勢之所在，而有得於成王周公之遺意與。

惟二月既望，越六日乙未，王朝步自周，則至于豐。惟太保先周公相宅，越若來三月，惟丙午朏，越三日戊申，太保朝至于洛，卜宅。厥既得卜，則經營。越三日庚戌，太保乃以庶殷攻位于洛，汭。越五日甲寅，位成。若翼日乙卯，周公朝至于洛，則達觀于新邑。營越三日丁巳，用牲

于郊牛二越翼日戊午乃社于新邑牛一羊一豕一越七日甲子周公乃朝用書命庶殷侯甸男邦伯厥既命殷庶殷丕作太保乃以庶邦冢君出取幣乃復入錫周公曰拜手稽首旅王若公誥告庶殷越自乃御事嗚呼皇天上帝改厥元子茲大國殷之命惟王受命無疆惟休亦無疆惟恤嗚呼曷其奈何弗敬

豐鎬去洛八百里洛邑今爲河南府洛陽縣王氏曰以朏望明魄紀月以甲子紀日書法也漢志曰周公攝政七年二月乙亥朔庚寅既望○三月甲辰朔三日丙午

此卽洛邑新立之郊社以告作洛於天地時宗廟未成故至十二月始丞祭也書是賦功屬役之書陳新安曰乙卯周公至於洛達觀

新營丙辰不言事。蓋丁巳戊午將行郊社大禮。前一日養精神以無爲也。己未至癸亥又不言事。乃將用舊命丕作。竭精神以有爲也。此五日必會集臣庶計丈數揣高卑等事。役書一定然後甲子朝頒布之。聖人經理之精密不於此可見哉。

旅王若公。是因周公以告於王。蓋成王未嘗來洛也。新安云。作洛之急務在化殷人。而化殷之大本在於王身。下文遂詳言之。

集傳謂此篇專主敬言。蓋天命靡常。敬則得不敬則失。故篇內敬不敬之異效凡七言之。其反覆戒王至深切矣。朱子曰。此數句是一篇之大旨。下文至篇終反覆推行此數句意耳。

殷先哲王在天。與詩三后在天意同。問想是聖人稟得清明純粹之

氣故其死也其氣上合於天。朱子曰。也是如此。世間道理有正當易見者。又有變化無常不可窺測者。如此方看得這箇道理活。愚謂這箇道理。惟看得恁地透時。便活。

袁氏云。疾敬德者。更無等待遲疑。只今便下手。陳新安謂敬德而言疾。最有力。後又言肆。惟王其疾敬德。一篇綱領。在敬字。而敬之工夫。又在疾字。

此二章言天命與祖德。皆不可恃。惟敬德。庶可凝固天命。延續祖德。爾。

所其字。俱指壽考言。壽考者。聞見之遠。能稽考古德。其德盛智明。又能稽考天理。以定謀慮。是乃人君所藉以不眩不惑者。遺棄焉可。

乎故召公首戒之

其不能誠於小民今休集傳以其字爲期望之辭甚合經意陳新安云誠於小民而今休矣却做已然說不是

土中洛邑爲天下中也言王自今來居洛邑而能繼天爲治當自服行政教於土中也林氏以此句王來爲王亦至洛邑之驗朱子非之

旦曰以下蓋召公述周公宅洛之意言周公期望如此其重王可不思所以稱之乎

節性謂節其驕淫之性此性字是指氣質說陳新安看做心所具之理誤矣

此言治人當先服乎臣也

此言化臣必謹乎身非政刑所及也。陳東齋云。既以周臣率之使之相觀而善。又以身率之使之下觀而化也。以身率之只是以敬爲所而不可不敬德。能如此則敬盡於此而人化於彼矣。

朱子曰。召誥中其初說許多言語艱深難曉。却緊要處只是惟王不可不敬德而已。

陳新安云。王乃初服者。善始可以善終。法二國之敬德而歷年尤當謹之初服也。此句是結上生下。若生子一段議論實因此句而申明之。愚謂此句或以屬上章。或以冠下章。陳氏乃合而言之。如此自貽哲命。陳新安以葉氏說爲正。愚謂當從林氏。林氏云。天以正性。

命人初無智愚之別。所以有智愚者。於已取之而已。下愚爲自暴。自棄而上智。豈非自貽乎。蓋明哲之性與生俱生。但初生之時。習於善則明可作哲。習於惡則靡哲不愚。此哲命所以爲自貽與。朱子曰。王之初服。不可不謹其所習。猶子之初生。不可不慎其所茂。蓋習於上則智。習於下則愚矣。故今天命正在初服之時。敬德則哲。則吉。則歷年。不敬則愚。則凶。則短折也。○天無一物之不體。已知我初服宅洛矣。王其可不疾敬德哉。此所以求天永命者。只在德而已矣。真西山謂天命至公。不可以求而得也。曰祈者。蓋一於用德。乃不祈之所也。

此一節發明王乃初服之意。傳云宅新邑。所謂初服。陳新安說是又

中天下定四海之一初也。天之命吉。凶判於此。王之能敬能祈。永命與不能。亦判於此。召公所以欲王乘此一初之機。而疾敬德也。疾敬德則能用德矣。此句蓋申上文王其疾敬德之語。而致重複懇切之意云。

三節皆言小民。蓋小民者國之根本。祈天永命實在乎此。故召公始成王以非彝殄戮之。繼欲以元德儀刑之。末欲以之而受天永命以之者何。惟尚德不尚刑。知其生雖至微。而關於天命者至大。至久也。吳臨川曰。欲王以小民受天永命一語。通結上三節。與王其德之用祈天永命相始終。

真氏曰。前言王其德之用祈天永命。此言欲王以小民受天永命。蓋

永命之道無他惟修德與愛民而已。命在天於小民何與。蓋天無心以民爲心耳。一篇之中言敬者凡七八。言之諄望之切。老臣事少主。惓惓之心也。異時成王爲守文之主。而周家卜年卜世過於夏商。且過其歷。然後知召公之言。真人主之藥石。國家之蓄龜也哉。

成命以今日言。永命以子孫言。陳三山云。保受王之威德者。臣下之所能。至於祈天永命。則非人臣之所能。在於人君。族敬德而已。新安云。敬德愛民。卽祈天永命之能也。上文已盡之。故於篇終特以能字該之。東齋又云。篇終復總始末之要以告王。蓋期望不已之意。可謂婉而篤矣。

洛誥朱子因讀尚書曰其間錯誤解不得處無多如洛誥之文有不可曉者其後乃言王在新邑而其前已屢有問答之辭矣○陳新安曰此篇大可疑者惟有公告王宅洛行祀出命之辭而不載王至洛之事與其日月觀十二月在洛祭告命周公留洛洛之事尚謹書之則自三月後至十二月前此數月中至洛之大事其當書也必矣又此篇章首九句脫簡在康誥之首則至洛之事其脫簡又可想矣且孺子其朋及汝惟冲子惟終等處聲牙難通又王曰公功棗施篤之下無周公答辭而即又繼以王曰豈非此等處有脫簡錯簡耶

集傳以復子明辟爲周公營洛得卜而後命於王其說蓋本於王介甫實能辨孔氏以來之誤朱子所謂是處亦須還他者此類是也按王莽廢漢孺子嬰爲安定公執其手流涕曰昔周公攝位終得復子明辟今予獨追皇天威命不得如意儒者釋經之誤其害一至於此可不謹哉

古人凡事皆歸之於天。雖人所爲也。如天分付命令。一般王氏炎云。承天命以作新邑。是謂基命。都邑旣成。久安長治。是謂定命。基與定。只作始終字看。胤繼也。保。謂大保。王葵初云。傳釋胤保。較朱子爲順。

氏漸曰。洛邑居天下之中。伊洛瀍澗。實周流於其間。天子南嚮。則澗水在洛之右。瀍水在洛之左。澗在今河南府西七里橋。瀍在東門外。二水皆南流入洛。周公於澗瀍之中。龜兆告吉。遂營王城。以建王宮。定郊社宗廟。是爲郊鄆之地。今之河南是也。又循之左。越瀍水之東。龜復告吉。遂營下都。又名曰東郊。以居殷民。今之洛陽是也。二城相距。蓋十有八里。

來相宅王不在洛而言來者蓋順公所在而言也

此下周公告成王宅洛之事疑是王授倭者復公後公卽歸鎬告王
如此案予曰自此以下漸不可曉蓋不知是何時所言傳疏以爲
王與公俱在洛對問之言葉氏以爲王得卜而至洛旣祭倭歸因
留周公居守而周公有此言皆不可考然葉氏說倭數章貫穿今
從之陳新安曰三月後以至十二月王必當親至洛行大祀禮今
脫去矣自此下至無遠用莫乃洛邑旣成公自洛歸鎬告王以宅
洛所當行之事及欲退老之辭也肇稱殷禮以下乃周公至鎬請
王往新邑舉祀禮及朝諸侯證之召誥公至洛定宅後當還鎬京
觀召公取諸侯之幣錫公由公以達王則可見矣孺子其朋以下

必有訛誤脫簡漏却王祀新邑必在此處無疑也况梓材朕邦享至丕享等語其爲敬識百辟享之上下文脫簡在彼尤爲顯然乎殷禮是非常盛禮綱末十二月戊辰之祭不過就冬烝告留周公治洛之事于文武耳王氏說做一祭故新安非之周公告成王宅洛首以殷祀爲言蓋格君心率天下之道莫要于此呂東萊說得最好集傳取之

此因新邑殷祀而祭創業之功臣也呂氏曰論功莫先於宗言宗則凡功臣可得而推矣報功莫重於祀言祀則凡慶賞可得而推矣明白奮揚而赴功醇厚博大以裕俗集傳是兩開說陳新安看做一串謂是立精明之治功而存渾厚之治體此餘意也

汝惟冲子惟終以于詳於記功教工內治之事以下則統御諸侯教養萬民之道也

此因王將往新邑朝諸侯而言。朱子曰。草朝而以
享王。誠以奉上
之辭。幣有餘而禮不及者。往往有輕上之心。以
可以幣交也。曰
吾幣足矣。何以禮爲。如是者。猶不享也。積于贍訓。此治亂之本。故
公特言之。

此言教養萬民之道。朱子曰。周公戒成王。使聽我教。汝以輔民常性
之道。若汝不勉。則不能永保天命也。然則所以輔民常性者。惟在
乎勉而已。○頒朕不暇。陳三山謂。汝當頒我前日未暇爲之事。一
行之亦通。

陳新安曰。此一條除汝往散哉。茲予其明。禮哉二句外。皆不可曉。味
此二句。可見公時在鎬。欲王往新邑而已。將退老也。此章之下。當

必有公從王至新邑舉祀發命之事。而今缺矣。愚按洛誥訛誤脫簡。陳氏亦辨得七八分。所不可考者。如公既歸鎬。復從王至新邑。與其日月等。終無如之何矣。

陳氏謂王若曰一節。是王既至洛。舉祀後與公言。將留公治洛。先叙述公之功德。以慰藉之也。愚按此上。蓋公自洛歸鎬。告王宅新邑之事。此下則復從王至洛。相與告戒之辭也。葉公云。非一時之言。史彙而序次之。想是如此。

傳宗將禮三句。是王述已行之事之辭。蓋舉祀發命。公前言之詳矣。至此王既如其言行之。只一叙述便了。若說王至新邑。當必行此大事。而今簡脫無考。恐未必然。

此王推美歸重於公言予冲子但夙值以謹祭祀而已蓋已示留公之意也

王以治爲四輔之大臣望公下文公以治爲四方之新辟望王此所謂君臣各盡其責難者也

上文王曰三段周公無答辭朱子疑其有關文陳新安亦云此章之上必有公答王之辭蓋不許王留後之請也所以王言公止我往歸周矣公無困我是以不許留爲困其辭危勿替刑以下其望遣孺子來相宅乃公述王之此行也曰者公期望於王之辭其自時中又其卽將然之辭也亂爲四方新辟當與亂爲四輔對觀作周乎先當與作周恭先對觀蓋公與王交相期望各盡其責任之辭也

此下疑有闕文

曰明禋拜手稽首休享者蓋述王命使之辭曰此明潔以禋祀之酒
今拜稽而致休美以享公焉敬之至者其禮如祭傳曰享有體薦
一証也記曰君子敬則用祭器又一証也

惠篤叙謂順文武之道篤叙而行之也

多士

集傳云商民遷洛亦有有位者故以多士名篇蓋上而卿大夫下而農工商皆在其中矣

弗弔大誥引不弔昊天爲訓甚明

林氏云告殷士以天命之公使知殷失天命而亡則誰能與之周得
天命而興則誰能違之蓋潛消其覲覲猜疑之心也

逸安也天於人君常欲導之於安逸之地如爲善最樂作德日休卽

帝之引逸也。降格與呂刑降格同。董子云。天心仁愛人君。必出災異以警戒之。卽降格之謂也。

此二節是說商先王以明德而得天命也。如此

呂氏曰。天也。祖宗也。民也。自古帝王所共畏也。紂不聽念先王罔顧天顯民祗。三畏皆亡。無所不至矣。

此三節是說商後王以不明德而失天命也。如此

傳自割殷之事推之。謂聖賢事不貳適。日用飲食莫不皆然。蓋所以事天也。此與孟子存心養性以事天同。

聽用德謂聽察其有德者而用之。商士所言私情也。王所言乃天理。不擇賢否而用之。非天理矣。商猶謂之天邑者。蓋言其地舊爲天

子之都也

奄東方之國。與淮夷三監同助武庚以叛者。周公東征。一舉而誅四

國。

殷與管蔡黨也。

獨言來自奄者。伐奄在後。誅奄卽來也。

陳新安曰。多士一書中言興喪則由於天。言天命則繫於德。言德則本於敬。終之以爾上爾邑有恒產者有恒心。而非誘之以利也。

無逸

呂東萊曰。逸者禍亂之源。三年東征以定外亂。此特治其末流爾。無逸者治源之書也。無逸作於作帝之後。成王卽

政之初。

所如北辰居其所之所。蓋居而不移之謂。此呂氏說也。集傳取之。先知稼穡之艱難。乃逸。有言艱難而後能謀安逸者。有言艱難之中。自有安樂之理者。呂氏乃云。先備嘗稼穡之艱難。乃處於安逸。則

知小人之所依。陳新妥謂其說超出諸家。曰。君逸於上。君本逸也。惟以勤居逸。雖逸而能無逸。蓋成王生於深宮。遠處人上。公深爲之懼。故以此警之。所以傳於此云。以勤居逸。至下文厥子不知稼穡之艱難。乃逸。則曰。此爲以逸爲逸。與上文相對。讀者前後互考。方見得傳之精密如此。

陳東齋云。所其無逸。知小人之依。此一篇之綱領。後章言三宗文王及怨讟之事。皆反覆推明乎此也。張南軒云。無逸欲其知稼穡。知小人之依。帝王所傳心法之要端。在於此。蓋治常生於敬畏。而亂常起於驕逸。使爲國者每念稼穡之艱難。而心不存焉者寡矣。是心常存。則驕矜逸豫。何自而生。豈非治之所由興與。

南史宋高祖劉裕孫孝武帝駿。壞高祖所居陰室爲玉燭殿。牀頭有土障壁。上掛葛燈籠。麻繩拂。袁顥因盛稱高祖儉德。上曰。田舍翁得此已爲過矣。

上文既論無逸之理。此下復舉無逸之君以示之法也。呂氏謂此中宗無逸之實。嚴恭寅畏。至不敢荒寧。皆言敬也。惟敬故壽。自此至文王其壽莫非此理。○陳三山曰。以天命之理自爲法度。凡身所躬行合於法度者。無非天命之流行。

此高宗無逸之實。張氏曰。不敢荒寧。則志氣凝定。精神純一。此長年之基。民心太和。導迎善氣。又所以致長年也。蓋神氣耗散。則根本不固。厲氣外襲。則天和日消。有一於此。皆足致夭。

此祖甲無逸之實

人情莫不欲壽而惡夭。既以憂勤致壽者爲之勸。又以逸豫致夭者爲之戒。是則所謂開其所欲而禁其所當戒也。蘇氏曰。或以逸豫爲未必害生也。漢武帝唐明皇豈無欲者哉。而壽如此。夫多欲不享國者皆是也。武帝明皇千一而已。豈可專望乎此哉。呂氏曰。後世之君。憚憂勤而恣逸樂。伐性傷生。靡所不至。乃欲得神仙之術以求長年。何其愚之甚也。與王蔡初謂蘇氏之說於經有助。使好逸者無以漢武明皇藉口。呂氏求神仙延壽之說。三代前未有也。然亦可備經筵進讀之一義。可謂知言矣。

上節言太王王季能自抑長者。傳謂將論文王之無逸。故先述其源。

流之深長也。此以下言崇儉素重農。恤窮困勤政事。戒遊田捐橫歛。則皆文王無逸之實。

陳新安曰。孔氏以卽田功爲知稼穡之艱難甚好。知稼穡艱難乃無逸之根本。一篇之綱領也。通哲四君皆由於此。彼生則逸之君只爲不知稼穡艱難耳。

柔者須敬。恭者須懿。柔而不敬則爲柔懦。恭而不懿則爲足恭。足恭卽朱子所謂非由中出也。

惠鮮謂惠澤之使鮮。鮮有生意。

兩惟正之供。皆不以貢賦爲吾逸樂之用也。

陳三山云。一日暫樂若未害也。而以爲不可者。蓋此心不可以斯須。

忘斯須而忘是放其心自此以往不可收拾矣呂東萊云苟不戒
一日之耽樂必至爲紂之徒無望曰今日耽樂蓋原淫樂之始使
之深絕其微無若殷王受蓋要淫樂之終使知必至此極始終備
矣

觀覽以舒其目安逸以適其體遊豫以省其風俗田獵以習其武備
人君不能無也特不可過耳過則人欲肆而入於亂亡矣故公使
之無淫於此若必絕之使無則迫蹙拘制矣

真氏曰前舉三宗後舉文王俾王知所法又舉紂俾王知所戒紂之
惡無不有酌酒其最也人無智愚皆知憂勤必享國逸豫必戕生
惟沈湎于酒心志昏亂則雖死亡在前亦不知畏故欲無逸則不

可醕酒。醕酒則必不能無逸。公所以專以此申戒也。

訓誨忠言也。譎張邪說也。忠言交進則邪說莫行。此陳新安說。與集傳不同。

詛謂請神加殃。祝謂以言告神。其意一也。

皇只訓君。謂君聞怨詈而自反以敬德也。陳東齋云。四君至明。故能如此。凡聞謗而責人。皆不明所致也。是從迪哲說來。此正義也。

陳三山曰。以一人之身當天下之怨。皆自幻言有以惑之始。夏氏曰。向之怨詈猶有限也。至此普天同怨。是怨叢于一身矣。民氣如此。欲享國長久得乎。此意蓋在言外也。

董氏鼎曰。此篇挈所其無逸以爲之綱。而分先知稼穡艱難與不知

艱難以爲之目。此一篇之大旨。商三君先知艱難者也。後王生則
逸不知艱難者也。戒嗣王之觀逸遊田懼其不知艱難也。連引古
人恐不盡信。故尤欲其師文王。懲商紂以耳目所及者爲言焉。真
萬世之龜鑒哉。此董氏提出一篇之關節以示人。可謂知要矣。

君奭

式○呂東萊說。召公以盛蒲欵去。周公反覆留之。集解蓋
本諸此。○問召公不悅之意。朱子曰。只是小序恁地說裏

面却無此意。這只是召公要去。後周公留地說朝廷不可無
老臣。蓋一篇大意只是如此。又云。周公不知其人如何。其言
聲牙難曉。如立政君奭之篇是也。陳新安曰。盤詰聲牙。君奭
尤多甚。不可解。惟留召公之意可想耳。姑采衆說之略通者
而缺其不可
通者可也。

在家不知言。此時吾等可誘以退老在家而不知乎。加退老二字尤

分曉

陳新安曰此章大意謂今日天命人心未爲固成王經歷未爲深所當輔之以嗣前人之光延長世德凝固天命吾等當留而不當去也此篇語句多有難曉只得其大意可也

保衡卽伊尹以其保護王躬而天下之事皆取平焉故曰保衡蓋太甲始立此號以尊伊尹而不名也

此周公叙商家五王所以能創業守成者皆此六臣輔相之烈以見召公未可去而勉其匹休於前人也

多歷年之次所

百姓王人罔不秉德明恤此言其在內者小大皆賢也小臣侯甸甸戚奔走此言其在外者小大皆賢也

此章大意謂商賢聖之君其始以得五六大臣佐佑之助故能得天佑命之純是以衆賢相繼而出無外內小大之間明商之得人實由於五六大臣之得人也周公言此正欲召公知吾二人其進退繫於國體者如此豈可以盛滿難居爲懼而果於求退也

此章大意謂文王得此五臣之助亦如商之衆君得上六臣之助五臣之輔周無異於六臣之輔商故佑命之純於周無異於昔之純於商也天眷厚而賢才衆多賢臣輔而君德脩著是則文王所以受殷命之故亦五臣之助也周公此言主於畱召公故皆歸重於臣之辭召公縱不以商之六臣爲念獨不以周之五臣爲意乎

上章言商先王猶有賴於六臣此二章言周文武猶有賴於五臣四

臣召公可不監此而遽求去乎。留之之意切矣。按是時洛邑雖成而殷民尚未孚。四方雖定而天命人心尚未固。故周公歷言古今賢聖之君倚賴老臣以固其國家之事。其切於留召公如此。

吳臨川云。周公所舉皆世臣舊德。故武丁世不及傳說。文武世不及太公。今周公召公正如殷之六臣。文武之四五臣。豈可去乎。此說得之矣。

誕無我責二句。傳既闕疑矣。陳新安乃采夏余二家說。姑釋之曰。大無專責於我。召公苟收斂退藏。不勉王所不及。亦似畧通。然又云。此等句實聲牙難通。惟挽留召公之意猶可認耳。

命作民極。置之具瞻。以爲民極也。具瞻指三公之位言。

襄我二人是周公自謂已與召公也。陳三山云。今時未至盛太未有賢俊可讓。召公未可去也。按朱子謂召公見成王已臨政。所以求去。程子謂召公欲去者。不敢安於師保之位也。集傳兼之。

此二章又以文武留召公也。蓋洛誥周公之役。留實以文武之故。今召公欲去。周公復舉文武以感動之。其留之之意至此益切矣。陳新安云。前以商六臣周五臣四臣留之。末以文武與身留之。諄切至此。召公得不留哉。蓋公憂之深。是以留之切。留之切。是以言之詳。召公與周公同功一體。均有忠君愛國之心者。此所以油然而感。幡然而留也。

予不惠若茲多誥。予惟用閔於天。越民。朱子謂只此便見周公之心。

周公之心。畏天命。悲人窮之心也。

民心又天命之本。而敬則爲民心嚮順之本。故前兩言克敬。未復言往敬。用治以結之。又按召誥言敬。君奭篇亦言敬。周召之學。一敬而已矣。

蔡仲之命

微子之辭溫厚。蔡仲之辭嚴厲。故曰大體相似。而其實不同。

管在滎陽京縣東北。今爲開封府西鄭州地。問管叔當時可調護莫殺否。朱子曰。他已叛。只得殺。如何調護得。張氏震曰。衆得罪於舜。安得不貸之。以恩。管叔得罪於周。安得不斷之以義。霍叔不絕其身。蔡叔不絕其子。恩與義並行而不悖也。

武王封叔度於汝南上蔡。胡徙新蔡。昭侯徙九江下蔡。蘇氏曰。蔡叔

未卒仲無君國之理。所以封仲必在叔卒之後也。

蔡叔罪在不忠不孝。仲苟忠孝自盡便是能盡前人之愆。率乃祖文王之彝訓。所謂孝也。無若爾考之違王命。所謂忠也。

當建國之初。語以謹始。而卽援以慮終。竭兩端之教也。

五者侯職之所當盡。所謂畫一以告之也。

中者心之理而無過不及之差者也。這箇中原是人心固有底。率則循其所固有者而已。舊章者先王之成法。謂已然之法。厥度者吾身之法度。謂當然之制。是皆中之所寓也。苟不循聰明之自然。則矜肆之心生。未免有非古之愆。此非能率中者也。不審視聽之間。則一偏之言易入。未免有敗常之愆。亦非能率中者也。故必內不

變於己之私智。外不變於人之私言。則中道合而侯職盡矣。仲以英妙之年。任國事。周公老成深慮。故戒如此。

呂氏云。聽覽不貴於速而貴於詳。迎刃立決。見事風生。宜若可喜。然忽畧疎快。動皆愆尤。讒說姦言。每乘其忽遽而入之。惟詳其視聽。安徐審訂。表裏畢陳。側媚之言。將不得售。故詳者乃聽覽之大法也。說得痛切。

多方

林氏曰。周公攝政時。奄嘗與三監同叛。多士曰。昔朕來自奄。已嘗征之。今成王即政。奄又叛。成王滅之而歸鎬京。諸侯來朝。周公又稱王命以告之。是既踐奄而偏告庶邦也。故篇以多方名之。○朱子曰。大誥梓材多士多方等篇。乃當時編人君告其民之辭。多是方言。故諸誥等篇當時庶民曉得。而今士人不曉得。

洪惟圖天之命。爲多方一篇之綱領。下文引夏商所以失天命受天

命者以明示之。集傳提掇得分曉。

甲始也。呂氏說原其所因。蓋始於內亂。妹喜之嬖是也。盡其心敗其家。然後流毒於國與天下。探其根而言之也。集傳因之。

百爲大不克開。欲耕害其耕。欲賈害其賈。四向皆窮。無一能達。言民窮如此也。

仁者君之所依。湯能以仁爲依。而致慎於上。是乃所以勸勉其民。故民亦以仁爲勸。而儀刑於下。用以自勉其身。是則所謂君仁莫不仁也。

明德慎罰。爲有商家法。要之一仁而已矣。明德仁之本也。慎罰仁之用也。陳三山曰。明德化民用德。其本心。慎罰不濫及民用刑。不得。

已也。本原既正，則或刑或宥，皆足以勸民於善。刑一也。先王用之而使民勸。後世用之而爲民毒，何也？先王之刑，皆仁之寓。後世之刑，皆不仁之具也。雅曰：人知明德之爲仁，而不知慎罰之防範。人心者，蓋亦所以爲仁也。人知開釋無辜之爲慎罰，而不知殄戮多罪之懲創人心者，尤所以止罰也。有商以仁爲家法，於是深可見矣。誥告以誥辭告之也。此節集傳說得上下文貫穿。

湯是夏之諸侯，故曰有邦。

聖通明之稱，呂氏謂周官六德，聖居其一。非大而化之之聖也。若大而化之，寧有罔念？又豈狂者一克念而遽可至哉？然大而化之，亦通明之極而至於化耳。狂而克念，亦大而化之之基也。雖曰通明

不念則狂。雖曰狂惑。克念則通。其機惟在念不念之間耳。愚按操其心以思。謂之念。念不念之間。聖狂所以分也。念非一日。不念亦非一日。或云聖狂之分。生於一念之頃者。不是。

罔念雖聖可以作狂。故克念則狂亦可以作聖。傳所謂紂亦有可改過遷善之理者。此也。呂氏曰。紂固無能改之事。而有可改之理。罔念克念之機也。

德者治民事神之本。克堪言文武於德能勝而用之也。陳新安謂克堪二字下得極有力。非有仁以爲己任之弘。兼死而後己之毅。不能堪而用之也。克堪用之。必有非力之力。真積力久之力。而後可。言曰。成王言昔者天求民主於爾多方之時。惟我文武能溫然以

愛其民殺然以脩其德是誠可以爲神天之主矣故上天於是式教之而使其治周以休美焉。復簡擇之而畀付之以殷命。尹爾多方使爲天下之主也。

此節大意謂文武之得天下固非苟得於天而天之予以天下者亦輕畀於文武也。林氏曰。此篇陳桀紂之亡商周之興皆出於天之所奪非人力所能支。天之所予非人力所能移。而其所以爲予奪者以其德與不德耳。爾多方當知天命不可有他志也。

又我周王只夾輔介助便是父

自作不典指叛亂而言欲見信於正者蓋四國從殷以求興復自以爲義當然也

初殷民與紂同惡。武王克紂。蓋嘗如是。教告之。要囚之矣。再謂三監。淮夷叛。復如是。三謂卽政又叛。復如是。俱指教告要囚而言。

陳新安云。爾能和身及家。以及爾邑。則爾邑之教化能脩明。爾方爲能勤乃事矣。教化脩明。傳所謂驩然有恩。以相愛。粲然有文。以相接。是也。

穆穆和敬。貌。蓋服凶人莫如和敬也。和敬盡於已。而介助資於人。成凶德化而人和洽矣。此誘掖商士之善。以化服商民之惡。所謂轉移感動之微機也。

迪簡在王庭者。且將自此洛邑之胥伯尹而擢在王朝矣。有服在大僚者。且將有事而升在大僚矣。此卽所謂大介資也。呂氏曰。多士

序商民之怨周曰。夏迪簡在王庭。有服在百僚。予一人惟聽用德。云云。則以大義裁之。此乃以迪簡在王庭。尚爾事有服在大僚。爲勸。何也。爵位上之所命。非下之可干。自其怨望而許之。姑息之政也。示以好惡而勸之。磨勵之具也。此周公御商士之開闔大用也。時惟爾初。呂氏謂是又爾更端爲善之一初也。蓋殷民與紂同惡。武王克紂。是維新之一初也。遷洛又一初也。今歸自踐奄。而又爲多方之誥。諭以時惟爾初。昔之過一皆洗滌。今之善當相與維新。豈非又一初乎。

立政

傳引吳氏說謂此書旨意。上戒成王專擇百官有司之長。其長既賢。則其所舉用無不賢者矣。陳新安曰。此篇以用三宅爲立政。用人之綱領。立政二字。每段多提掇之。故以名篇。○呂氏謂無逸格心之書。立政用人爲政之書。二篇相爲

經緯以無逸之心。明立政之體。君道備矣。又云。立政言爲治。體統固臻其極。而反覆申重之意。忠愛惓惓之誠。深長遠大之慮。學者當於言外體之。

常伯卽下文宅牧主牧養之大臣也。常任卽宅事所職必廣。凡任事之大臣也。準人卽宅準主平法之大臣也。刑法當如準之平。故曰準人。呂氏以三者爲公卿輔相之別名。恐是如此。又云。三宅左右大臣。綴衣虎賁左右小臣。職重者有安危之寄。職親者有習染之移。其繫天下之本一也。故傳曰。是皆任用之所當謹者。

中之俊。乃天生之以遺國家者。故曰顯俊。尊上帝。九德之行。卽皋陶告禹自寬栗至疆義之德之。見於躬行者也。宅者。居而安之之謂。言惟君以顯俊爲心。故其臣亦以薦揚爲務。君臣各盡其道。此立

政之要也

呂氏云周公之戒成王自綴衣虎賁之外其禮其辭與夏畧同陳氏
雅謂圖任三宅爲人君之職者三代告君之常法也表親近之職
使人君不敢輕者周公養源之精意也蓋綴衣虎賁朝夕與王處
最親且密故薰陶涵養賴焉

夏先王任用三宅則大競桀惟任暴德之人則罔後興亡繫於所任
如此可不慎與

集傳以丕釐上帝之耿命爲典禮命討昭著於天下此特指其大者
而言之陳東齋說事事物物之理莫非天命之流行湯升天位大
理泊上帝之明命謂大治天下使事物昭然各當於理却是推廣

說以補傳所不足爾

儲三俊以繼三宅其說始於呂氏集傳取之而陳新安謂湯用三宅而儲三俊以供無窮之用上廣夏后之所未及而下爲文武之所取法尤說得上下貫通

奄音掩盡也井牧其地周禮小司徒註井謂衍沃牧謂隰臯地之行沃者百畝爲夫九夫爲井其隰臯則九夫爲牧二牧而當一井以田有不易一易再易通率二而當一也什伍其民族氏云五家爲比十家爲聯五人爲伍十人爲什以受邦職以役國事呂氏曰論夏商之興亡不出於任用得失之間立政之體統端在此矣

呂氏曰三宅共政者也知其心者猶未盡則不能無間惟文武真能

知其心也。三俊待用者也。未與事過則底蘊不外見。惟文武灼然見其心也。陳新安曰。立民長伯。當時宅俊或有出而封爲長伯者。與諸侯入爲王官。王官出爲諸侯。古常有之。

此言文武立政三宅之官其大綱也。虎賁以下皆屬於此。猶衆目然。陳氏曰。文武立政之本。在用任人。準扶牧三宅以作三宅之職事而已。

此侍御之官也。趣馬掌馬。鄒氏謂周禮校人掌王馬之政。趣馬其屬也。註云。趣馬下士。趣養馬者。馬七十二疋。立趣馬一人。

此都邑之官也。大都公之采邑。小都卿之采地。

此諸侯之官也。亞小司徒之屬。旅卽下士。皆三官之副與屬也。

此王官之監於諸侯四夷者也。夷微盧悉四國也。三臺商故地分而爲三也。阪險之地皆立官以長之。故曰尹。言四國三臺與阪險之地皆有尹也。○以上詳言文武用人。凡大小內外遠近莫不皆得其人也。陳新安謂文武得人之盛如此。推其本原由其知立政綱領在用三宅。三宅得人故內外衆職皆得人也。夫文武以一人之聰明豈能周知內外小大遠近之臣哉。三宅大臣人主所親擇。其下小大臣王各委之三宅而已。

此因上章言文王用人而申克知三有宅心之說也。人皆以克厥宅心爲寔心。朱子非之。謂卽前面所說三有宅心耳。蓋克厥宅心者知之至信之篤。文王之心與三宅之心脫合交契而無毫髮彼此。

之間也。吳臨川曰：惟能心其心，故能立其官而能得其人也。三克字，皆謂文王能之。

罔攸兼，是說文王不敢下侵庶職。陳新安云：文王用三宅得人，則委任責成，不復侵其職，惟加重於有司之爲牧夫者，訓勅其用命與否而已。蓋有司牧夫，卽任庶官，庶獄庶慎之人也。訓其用命，則其事可以不問而自理，訓其不用命，則其事可以不嚴而自治。文王豈屑屑焉於此三者而下侵乎衆職哉？是則所謂逸於任賢也。上文只及常事司牧人而不及準人，庶獄卽準人之事也。此篇三宅有全言之者，有舉其二者，有舉其一者，參錯及之耳。

罔敢知于茲，呂氏看得敢字最有意義。只此便見聖人之無爲與老

莊不同陳氏謬曰。罔攸兼者委任之至。不敢以身與其事也。罔敢知者敬忌之至。不敢以心與其事也。

陳新安云。蔡氏承上文用三宅而言。蓋不敢改父之臣之意。此說出於夏氏。諸家因之。以其切立政用人故也。

我字指王而言。陳東齋曰。我者我其君。君臣一體也。

張氏曰。王繼文武以立政。可謂難矣。而難之中自有簡易之道。亦曰立事準人。牧夫我其克灼知厥若而已。知三宅之心。卽所以立政。此說以立政爲作書之本意。立事爲任人之官。董復齋謂其於經意爲兩得。而陳新安亦云。提起立政。下列三宅。證以上下文甚協。則孔傳立政爲大臣立事爲小臣之說其謬明矣。

察其所順者知人之要而勿使小人間之者又任人之要蓋知人不可不盡任人不可不專竭兩端告之也

一語謂一事之始終一言一句而已成德之彥卽指三宅而言陳新安曰相受民牧之責也和庶獄準之責也和庶所當慎之事事之責也委任三宅欲勿以小人間之苟或一語言間微不終於專主君子則小人乘間入之矣此公戒王以委任三宅專一周密之法也○此節我字與上文我字同

繹如繹綵謂窮其端緒既能宅而任之以安其職又能由繹用之以盡其才也

小人而謂之儉者形容其沾沾便捷之狀也張氏云傾巧辯給之人

詐足飾非。言足拒諫。悅其心則譽榮。紂爲堯舜失其意。則誣伯夷爲盜跖。此周家之法。所以嚴惡而斥絕也。呂氏曰。人主惟以別白君子小人爲職。國之興亡。常必由之。此篇反覆於君子小人之際。有旨哉。

上文兼言庶獄庶慎。至是則獨曰庶獄者。蓋挈其重而獨舉。獄何爲其獨重也。民命所繫。亦國命所繫也。

呂氏曰。一篇之中。所謂王矣者。蓋屢言而屢歎之。恐成王今猶不自知。身當職分之太非前日委重視成可比。故警之不一而足也。

呼文子文孫言守成以文。終以詰爾戎兵。則武不可弛。蓋周公恐王宴安而使之自強。保治之良圖也。古人治兵。乃所以弭兵。後世銷

兵乃所以召兵。然則聖人固不啓君黷武。亦豈廢弛以誤人國哉。言德威所至無不服者。地之所至皆德威之所至。德威之所至無敢有不服也。耿亦光也。耿光光之著也。

陳東齋云。理之常行而不可易者爲常道。行此常道而不易者爲常人。常言其體之不易。吉言其用之休祥也。蓋未有常人而不吉。吉士而不常者。故曰同實而異名。

呂氏曰。常人之於國也。蓋食之穀粟衣之布帛。雖無異味異文而有生者常用而不可一日易也。然每多重遲木訥不能與小慧新進者爭長於頰舌之間。故世主惑於取舍而治亂分焉。此周公所以慨歎而深致意於卒章與。愚因憶伊川像贊正襟朗誦曰。布帛之

文菽粟之味。知德者希。孰識其貴。

忿生爲武王司寇。封蘇國。列者前後相比。猶今言例也。蓋以舊事爲比。而用其輕重之中者也。陳新安曰。立政之綱領在三宅。三宅中所重尤在準人之刑獄。故旣告王以勿誤庶獄。末復命大史書蘇公敬獄事以示法焉。蘇公所以爲司寇在乎敬。後人之法蘇公在乎慎。能慎則能敬矣。敬者慎之存於心。慎者敬之見於事。慎謹之心。一敬畏之心也。固爲後之司獄者慮。尤爲後之君用人以司獄者慮。能如蘇公者則用。否則斥。蓋以此終立政用人之意與。雅言謂立政之道以任賢爲本。以庶獄爲大。故一篇之中凡五致意於獄。而終結之以此。其所見與新安略

同

董氏曰。周公復政成王而作立收以王政莫大於用人。用人莫先於三宅。三宅得人則百官皆得人而王政立矣。故一篇之中宅事牧準其綱領也。知恤其血脉也。先歷言夏商之王能知恤與不能知恤。繼言文武之知恤亦猶夏商之先王而後拳拳以去憊人用常吉。謹刑獄爲王告。蓋欲王以先王之知恤爲法以夏商後王之不知恤爲鑒。忠愛之至。至今可挹也。按亡書毫姑篇成已葬周公於畢而作也。李氏驥曰。自穆契以下。盡臣道者代不乏人。而伊尹周公之葬獨紀於書。

周官

陳新安曰。周禮乃周公擬議未全未行之書。周官則成王建置訓迪而已。施行之書也。今只當據周官以解周官。其

與周禮未脗合處姑略之可也。○朱子曰。古者諸侯之國只置得司徒司馬司空三卿。惟天子方置得三公三少六卿。漢只置太尉司徒司空爲三公而無周三公三少。蓋未見古文尚書也。三公三少本以師道輔佐天子。只是加官。周公以太師兼冢宰。召公以太保兼冢宰。是以加官而兼宰相之職也。後世官職益紊。今遂以三公三少之官爲階官。不復有師保之任。論道經邦之責矣。然古者猶是文臣之有功德重望者方得加師保之官。以其有輔教天子之名也。後世遂以諸子或武臣爲之。既是天子之子與武臣。豈可任師保之責耶。說謬傳襲不復改正。按皇明已改諸子師保之謬。而武臣猶未免襲舊矣。

史臣將述成王訓迪百官之辭而先敘其本末如此。所以著成王能尊所聞行所知而善於爲政也。論者以周官爲立政之效。信然。

張南軒以仰惟前代時若爲卽前所謂若昔大猷非也。只是說仰惟

前代建官之意而時若之觀傳於上文若字不釋而此則釋之爲
順便見

陳新安曰。王意謂今兆民綏六服承若已治已安。然治亂在庶官。當
先幾而備之。將言唐虞夏商之建官。故以此三言開端焉。唐虞稽
古。至亦克用乂。此唐虞夏商之建官。所以制治保邦者也。立政而
官。惟其人爲政在人也。訓官而先祇勤于德。取人以身也。此成王
仰若唐虞夏商而訓官以制治保邦者也。

三公非常之位也。居非常之位者。必任非常之責。謂講明天人之道
經綸乎邦國。燮理乎陰陽也。必求非常之才。謂有其人則使之居
是官。非其人不若虛是職也。陳氏良傳云。三公多是六卿兼之。但其

人足以兼公則加以公之職位非其人則止爲卿而已。三公三孤皆無其人則闕焉而已。而六卿自若也。要之成周以三公三孤待非常之德。故曰官不必備惟其人。

師天子所師傅。傅相天子。保保安天子。孤卑於公尊於卿。特置此三者副貳三公。弘大道化。陳新安謂蓋貳公以弘大其論道經邦之化耳。弘大道化以寅亮天地體用之謂也。孔註當矣。

道者陰陽之理恒而不變者也。化者天地之用運而無迹者也。化待

後立天地待陰陽而後行呂氏云明則邦國幽則陰陽幽明之所以然所謂道

也。經綸之用藏於無迹和調之妙間不容聲何待於論。論云者擬

議以成其變化講明啓沃而精一之者也。陳氏雅言云道與化陰陽

與天地其辭若一其職實殊。道者化之體。化者道之用。陰陽者氣也。天地者形也。論道者弘化之本也。變理者寅亮之本也。公濟其源。孤道其流。公正其本。孤治其末。公提其綱。孤張其目。公孤之職雖異而實同。雖同而實異者如此。愚按分而言之。上節道其體也。

陰陽其用也。此節化者

天地之用則天地其體也。細書其體對待其用流行。

蓋上下各有體

用。公孤同是一職。似不宜過分淺深輕重。卽官不必備。與弼予一人亦似互文見義耳。呂陳二家以爲格心之任不可煩三公。恐鑿六卿萬事之綱。而冢宰又六卿之綱。此所謂綱在綱中也。陳新安曰。冢宰雖與五卿並列而各爲一卿。實總統乎五卿。所掌雖邦治必教禮兵刑土之並舉其職而後可以治與。○呂氏謂管攝百官者。

非官官而控制之。自百而歸六。自六而歸一。所操至簡也。調劑四海者。非人人而稱量之。大與之爲大。小與之爲小。所居至易也。明乎簡易之道。相業無餘蘊矣。

徒衆也。主民衆故稱司徒。呂氏云。擾者馴習而熟之。撫摩而入之。畜養而寬之之謂。總之只是舜典在寬之義。

神天神包地祇在其中。人只是人鬼治理也。和有樂之意。虞禮樂分二官。周合爲一。

陳三山曰。刑曰邦禁。此初設刑美意。禁民使不爲惡。而非以虐民也。虞以士兼兵。周分爲二。

呂氏曰。冢宰列於六卿。綱固在綱之中。而首非處身之外也。六卿分

職各率其屬以倡九牧自內而達之外。九牧各率其州之諸侯以應六卿之令自外而承乎內。內倡外應周浹泰和。此成周治天下之體統也。

大明黜陟卽王制所謂不敬者君削以地。不孝者君黜以爵。有功德於民者加地進爵是也。呂氏曰。六卿倡九牧既立爲治之綱矣。繼以朝覲巡狩之制所以振其綱也。蓋諸侯既親承德意於天子。天子復親考制度於諸侯。禮樂刑政斯四達而不悖矣。是制也。嘗一見於虞書。後千餘年復出於此。驗其疏數而世之升降事之繁簡兵衛之多寡用度之豐約與夫成王觀會通以行其典禮者皆可得而考矣。

此戒以謹令於未出之前。既出則惟行而不可反矣。令出而反是民輕上而不信其令也。故必致謹出令不至於反。非欲其遂非也。陳新安曰。民之從違視公私之消長。滅私者純乎天理而私欲淨盡之謂。欲民之允懷非以公滅私者不可。允懷誠服之謂也。

制謂裁度議事而以古義裁度之。故曰以制。古義卽所學前代之成法也。然蘇氏只就律令言之。竊恐經意所包者廣。當不僅此一端已也。○呂氏曰。學者應事以理。雖萬變而不勞。不學者應事以才。不通於理。觸事面牆。始猶以才力營之。事漸多則不勝其煩矣。此既歷數莅官之病。復勉以學之不可已也。

功者業之成。業者功之積。都是就卿士本職說。陳東齋譬之學與農。

學問思辯皆學業。至於道充德備。則學之功成矣。播種耘耔。皆農業。至於收穫。有秋則農之功成矣。功之高卑。由立志之高卑。欲功之高。立志固貴乎高。然必勤以廣業。則職業日勉。日高。其基廣而其成高也。否則雖有此志。終不遂矣。

龍盛卽指上祿位言

陳新安曰。以上成王畫一以教戒卿士。言言精當。脫佞屈聾牙而得此。猶芻豢之悅口云。

訓戒旣終。復提要總告之。蓋總上文六卿百執事之人而申戒勅之也。言各敬爾官。治爾政。以佐佑乃辟。永安兆民。則萬邦之廣親附愛戴者。豈復有厭敎之心乎。此以安民無窮之效期之也。

君陳稱君貴之也。必封國爲君。故稱君。

令德卽孝恭。孝恭指其德之實也。惟孝者必友。不友于兄弟則戚其親之心。非孝矣。

周公之訓卽所謂常法。乃公昔日所以師保萬民者也。師則教之。保則養之。惟公教養斯民之至。故民懷其德不能忘也。今君陳往繼公之職。治公之民。豈可少異於公之訓乎。曰慎曰率。曰懋。昭上文所謂敬哉者。莫大於是。呂氏曰。民深懷周公之德。苟君陳一事少異於公之初。一法少變於公之舊。則觀聽疑駭。民不可得而治矣。

按治商民之要。莫大於法。周公故王命君陳三舉周公之訓以告之。今但一遵周公之訓。則東郊之民耳目不駭。常如周公之在其左。

右。安靜帖息可預卜也。此君陳一篇之大指也。

馨香者物之精華上達者也。治本無馨香蓋至治之極。協氣休聲之所發越。猶馨香之旁達而可愛也。○德之昭明發爲至治。至治之馨香卽明德之馨香也。蓋論馨香之效。至於感神明。推所以馨香之本。又根諸明德。有是德則有是治。有是治則有是馨香。有是馨香則有是感應。傳所謂洞達無間者此也。陳氏雅曰。周公之訓惟在於明德。法周公之訓惟在於篤敬。能明其德則治無不至。能篤於敬則德無不明。明德者致治之本。篤敬者明德之功。至治之極。雖神明之難感者。猶且感之。況殷之頑民乎。卽所謂懋昭周公之訓。惟民其乂者也。按傳以用訓式。而此則謂之法其義似長。

戒哉戒其如凡人之不克由聖也。惟風惟草是喻。夫德化之速猶易所謂神而化之者。陳氏云。凡人之情未見聖則惟恐不能見聖者。秉彝好德之良心也。既見聖則又不能由聖者。氣稟物欲之所蔽也。君陳親見周公之聖。往繼周公之任。其可不以常人徒然慕聖之情爲戒哉。董氏云。風之動物也。妙於無迹。草之從風也。亦不知其然而然。所謂神而化之使民宜之者。誠在君陳自求之周公而已。蓋君陳誠能由周公之訓。不至如凡人之不克由聖。則商民亦將由君陳之訓。而風草之速有莫知其然而然者矣。此又申言上文懋昭周公之訓。惟民其乂之意。而反其辭以戒之。喻其效以勉之也。

周公之訓既不可易。至於政則因時舉措。或當廢。或當興。必慮之於人。釋之於己。以求其當而已。固非變革周公之法。亦不是膠執周公之法。蓋神明乎法也。

傳云。或曰。成王舉君。陳前日已陳之善。而歎息以美之。此呂氏回護之說也。陳新安乃云。此承上文謂謀於衆。審於己。而有嘉謀猷。則入告爾后于內云云。非特善則稱君臣之義當然。以善言上聞。而君不我違。使得行之於外。非有德之君不能若此。此乃人臣宣上德意。以明示於衆也。成王非欲臣之譽已。蓋欲君陳審謀猷。以見之設施。庶幾君蒙其歸善。而臣遂其良顯耳。又云。成王此言。前此聖帝明王未有是也。葛真之疑。亦未爲過。蓋恐啓導諛之漸也。愚

按真氏云此義乃人臣自處者所當知若君以是語其臣則不可也葛氏說具傳罔外這都是防其流弊之意若新安雖亦未免回護却說得文義近通

曰周公丕訓訓固大矣猶欲弘之者呂氏謂繼前人之政苟止以持循因襲爲心其所成必降前人數等惟奮然開拓期以光大前業然後僅能不替蓋造如之與繼成其力量不同也無依勢作威四句蔡傳之說精矣夏氏曰上文言周公之訓不可不遵然未言今日治商民當如何故此及之無依勢至以和此言商民不犯法者待之當如此其下則言不幸入於法者待之當如此茲先敗亂又非此比故三細不背此又說得數章大意甚分明

上章成王慮君陳之徇己。此則慮君陳之徇君也。陳三山云。君之喜怒無常情。法之輕重有常理。不徇君而徇理之中。此正義也。又云。君言苟是從君可也。非從君乃從理也。君言苟未是。則從理可也。從理乃所以從君也。此是反覆發明言外之意。

此終上章之辟

此終上章之宥

頑不率教者。人之所未化也。不可忿疾之。率教者。則當獎拔之。然不可以求備。無責人之所不能也。

習忍可以至容。蓋自有忍而充於有容。則忍之迹化而廣大之德成矣。亦是餘意。

殷民雖已薰陶於周公之訓。然厚薄淺深不同。以職業論。則有已化而脩者。亦有未化而不脩者。簡別之。使不相混淆。故人皆勸功。以行義論。則有已化而良者。亦有未化而不良者。進其行義之良。使不良者知所愧慕。故人皆勵行。脩不脩。是指已進用者言。良不良。是指未進用者言。故傳以職業行義分釋之。

民之厚雖遷而薄。而其本厚者亦未嘗不存。君陳能敬典在德。以化之。則上之好無不謹矣。民有不從厥攸好。而變薄歸厚。允升于大道者乎。人君不言福。風俗醇厚。脩之大道。此人君之福也。如天保報王受福之詩也。曰群黎百姓。徧爲爾德。亦是此意。呂氏曰。化之博福之厚。名之長。所以致之。不出於敬典在德而已。陳新安曰。德

者化商民之本。敬者文以德化商民之本。始曰命汝尹茲東郊。敬
哉。終曰爾克敬典在德。始終一敬。而德有諸已矣。德有諸已而商
民可化矣。一篇綱領中之綱領。舍敬吾何以觀之哉。○按商民未
化原於昧天敘之典。故惟敬典可以化之。其曰在德者。所敬之典
實體諸身而有得於心也。傳所謂實之感人。提於桴鼓者以此。

顧命書於成王獨載顧命者。蓋自艱難變故中得之也。

皇極經世書成王在位三十七年。起丙戌盡壬戌。

洮盥手。頌沃面。王凡以玉爲飾也。凡大朝覲主位設黼展。前設左右

玉几。憑以爲安

呂氏曰。甲子去崩纔一日。而猶盥洗以致潔。冕服以致

嚴。顧託之言。淵奧精明。蓋臨衆之敬。不以困憊廢。

惟善治氣故能不惰素定。

之理雖垂沒固炯如也。惟善養心故能不昏

朱子說顧命排得三公三孤六卿齊整。三公只是以道義傳保王者無職事官屬。却下行六卿事。漢時太傅亦無官屬。唐孔氏云。高官兼攝下司者。漢世以來謂之領。故召畢毛言領。王肅云。形似姓之國。其餘五國姬姓。畢毛。文王庶子。

神命萬世之法。如漢唐國嗣多立於戚宦。雖有嫡子。不能屬於大臣。終卒之間。廢立紛然。是皆不知法顧命故也。

王氏謂恐不得出誓以言嗣續之事。言字屬嗣。

宣重光只依傳文武宣布重明之德爲是。莫麗謂定民所依民之所依。如土與衣食之類。是皆民所恃以爲生者也。陳氏謂莫麗至不

達言能盡教養之政而化服民心也。用克至大命。言能推教養之效以受天大命也。蓋受命之本在化民。化民之本在善政。而善政之本則在於德而已。

弗悟是不蘇醒。弘濟于艱難。言大渡脫于艱難也。陳三山曰。成王所得於周召者在敬。既以敬而迓天威。復以敬授羣臣。使輔嗣王。曰弘濟艱難。天下本非逸樂之具。乃艱難之器也。吳臨川云。宗社之重。基業之大。付之一人。可謂艱難。亦是此意。

夫人猶云大凡人也。素能安勸。皆本於一身。故言自亂于威儀。威儀之治。又本於一念慮之微。故言無旨貢于非幾。此是成王平生學問得力處。又按成王嘗爲流言所惑。其天資非甚高明可知。然卒

能歷疾病而不惰。臨死亡而不昏者。蓋周召師保有以養成其德也。後世人君天資未必不及古人。而德莫之幾者。豈非左右輔弼無周召其人乎。

王氏曰。綴衣其衣連綴帷幄之屬。在旁曰帷。在上曰幕。四合象宮室曰幄。上承塵曰帟。音亦平帳庭路寢之庭。

稱子者所以正名。明父子繼世之義。稱名未成君也。王宮南向。南門王宮之外門也。○范氏曰。成王崩。太子必在側。當是時。本在內。特出而迎之。所以顯之于衆也。

丁卯王崩之第三日。此日命作冊。度是作於既大斂之後也。陳東齋曰。成王雖有遺命。未有冊書。將傳之康王。故作冊書。紀先王之言。

以授之。因拜作受冊法度。下文升階卽位及受同祭饗等。其法度也。

召公以西伯領冢宰。故又曰伯相。圭山虞匠人之屬。呂氏曰。自成王崩後。詔康王受命前命皆出於召公。所以一號令而無二門也。按天子七日而殯。自死之明日數則癸門乃殯之後一日也。殯畢則送死之事略具矣。故於此時傳顧命於嗣君焉。

自設黼褘下皆爲將傳顧命而陳儀物。傳謂如成王生存之日是也。唐孔氏曰。自此至陳輅車各有所司。皆是相命。不言命者蒙上命士之文也。

此平時見群臣覲諸侯之坐。呂氏曰。牖間南嚮就路寢。憲牖間南嚮。

設此坐也。間者，憲東戶西戶牖之間也。卽當宁之所。按自牖序至塾前，皆指路寢言之。

此旦夕聽事之坐，就路寢西廂設坐東嚮也。

此養國老饗群臣之坐，就路寢東廂設坐西嚮也。

此親屬私燕之坐。夏氏曰：廂之夾室謂之夾，又謂之房。西夾乃西廂之夾室，卽下文所謂東房西房。以其夾中央之大室，西夾南嚮，蓋在西廂之夾室中南嚮設此坐也。

於東西序坐北，列玉五重。及陳先王所寶器物，陳東曰：此陳先王世傳之寶也。玉一雙曰重。古雙玉爲轂圓三曰璧，銳上曰圭。琖有絳芒琬，無絳芒大玉。華山之玉，夷玉，東夷之美玉。

面南嚮塾門側堂也。夏氏曰：階面者，據人在堂上，面向南方，此輅陳之，其輅向南，故謂之面。蓋在階之南面也。先輅在左塾之前，蓋在門內之西。以塾在堂之前，故自內向外言之。雖在西，自外向內言之，實在左也。次輅在右塾之前，蓋在門內之東，自內向外言之，雖在東，自外向內言之，實在右也。○顧氏曰：先輅在寢門內之西北，面對玉輅。次輅在寢門內之東北，面對金輅。○呂氏曰：此非獨盛彌文而彰備物，天位峻極，幄座靚深，寶鎮燁華，車輅峙列，入其庭，肅然起敬，懼不克承，委重投艱之意，不言而已傳矣。禮記周人殯於西階之上。

唐孔氏曰：垂旒爲冕，無旒爲弁。弁冕版皆廣八寸，長尺有六寸，前圓後

方雀升色赤而微黑如雀頭也。垂堂上之遠地也。堂廉廉者稜也。立在堂下近於堂稜側階傳以爲北下階上謂堂北階北階則惟堂北一階而已側猶特也。夏氏曰二人旣立於東西廂之前堂二人又立於東西廂堂上之遠地則堂之南宿衛備矣故此一人冕執銳立於堂北之特階呂氏曰凡弁士也皆立堂下冕大夫也皆立堂上按孔氏又云執兵宿衛先東後西者以王在東宿衛敬新王故也。○陳三山曰自設黼黻至此典章文物之備豈爲華侈之具哉一以象前王平生所坐所寶所乘所衛以起嗣王之追慕盡誠紹述也一以昭前王委重投艱之意使嗣王肅敬以祗承也一以起群臣諸侯之尊敬想慕前王而繫心於嗣王也一以表人主

之崇高富貴尊無二上而傳授之正如此以絕天下覬覦之萌也
按此凡四條首條只是本集傳說後三條却皆補傳所不足可謂
明且盡矣

儀物既備然後延嗣王受顧命而踐位自此始稱王唐孔氏云禮祭
皆玄衣纁裳纁赤色之淺者蟻玄色如蟻也觀此則黼當是白黑
色蘇氏以爲一章非也

介圭天子所守珪以朝諸侯書卽冊命也秉謂持之以升御謂奉之
以進夏氏曰圭珪先王所執今將授嗣王若先一予之故自昨階
而升大史執書將進之嗣王故與王接武同升○陳三山謂上宗
卽宗伯或言大宗伯一人小宗伯二人凡三人倭其上二人也其

一人奉同。一人奉瑁。當從後說。

答揚文武光訓卽所謂嗣訓也。

受瑁必授之人。受同則以祭。宿與肅同。肅進也。三宿謂從立處三進爵至神所也。祭謂酌酒。咤謂奠爵。陳新安云。咤本詫字。傳寫訛耳。○報祭者亞裸之類。卽今之亞獻也。王祭告成王言已已受顧命也。太保秉璋以酢。授同而拜告成王言已傳顧命也。其事死如事生如此。

王答拜諸說紛紛不同。陳氏謂冢宰以元老大臣受託孤重寄。先王臨之在上。先之拜告傳顧命。繼之拜告禮成。康王爲喪主立柩前。其答拜禮亦宜之。冢宰傳顧命以相授。見大臣如見先王也。答之

拜敬大臣卽所以敬先王也。由此觀之。則王之答召公拜信無疑矣。

後世嗣君當日卽位于樞前而康王乃遲之旬日者。蓋召公爲冢宰以攝政。紀綱政令。周密備具故也。陳氏說是。

真氏曰。此篇見周公養成君德之效。又見召公當危疑之際。區處周密。皆可爲來世法。

康王之誥

朱子曰。伏生以康王之誥合于顧命。今除却序文。讀義則文勢自相接連。

呂氏曰。二伯率諸侯列門左右。朝會分班儀也。太保及芮伯咸進相揖。朝會合班儀也。始而分班。則諸侯兩列。西伯與東伯之位相對。今而合班。則六卿前列。冢宰與司徒之位相次。曰者。大保言也。

太保爲外諸侯之伯內群臣之長故率諸侯群臣進戒於王也美
若有四說吳臨川概謂未安看來與下文厥若稍通或字有訛亦
不可知

問太保稱成王獨言畢協賞罰何也朱子曰只爲賞不當功罰不當
罪故事差錯若畢協賞罰非至公至明何以能此

或疑張皇六師不可言於新君之前愚謂這也須看新君是如何所
值之時又是如何安得概言不可以是說進之哉陳新安云周以
仁厚立國盛成之久其流弊易至於弛而弱弊政雖甚於東遷之
後幾微已兆於一再傳之餘周召畢公已預見先憂於未然之前
矣只觀康王之子卽有舟膠楚澤之陵夷召公之言豈過也哉陳

氏是就周家當時事勢說。傳云後世隆先王之業。忘祖父之讐。上下苟安。甚至於口不言兵。亦異於召公之見矣。却有感於宋南渡時。恚地要之理。合如此。只一般。

丕平富言。使天下無一人不富也。傳薄斂富民。卽是孟子薄稅斂民。可使富意。不務咎言。不以咎人之咎爲務。輕省刑罰也。用端命於上帝。皇天用訓厥道。兩用字。皆言以文武之聖。得賢臣之力。故也。其求助群臣諸侯之意。可見矣。

問康王釋喪服而被袞冕。受虎賁之逆於南門外。又受黃朱圭幣之獻。諸家皆以爲禮之變。獨蘇氏以爲失禮。使周公在必不爲此。未知當此際。合如何區處。朱子曰。天子諸侯之禮。與士庶人不同。如

伊訓元祀十有二月朔亦是新喪伊尹已奉嗣王祗見厥祖固不可用商服矣。漢唐新主卽位皆行冊禮。君臣亦皆吉服。追述先宗之命以告嗣君。韓文外集順帝實錄中有此事可考。蓋易世傳授國之大事當嚴其禮而王侯以國爲家雖先君之喪猶以爲己私服也。五代以來此禮不講則始終之際殊草草矣。康王釋斬衰而被袞服於禮爲非孔子取之。又不知何如。設使制禮作樂當此之際只得除之。○葉氏曰天子卽位之禮後世無傳焉。春秋猶有可考。君薨世子嗣位於喪次必至明年而後朝廟正君位改元始書公卽位焉。然康王之事必有不得已而然者。蓋成王初卽位猶有三監淮夷殷民之變微周公天下未可知。況不及成王周公者乎。

故召公權一時之宜而遽正君臣之分。若曰：三年之喪，天下之通喪也。繼世以正大統，亦天下之大義也。通喪天下之所同，而大義天子諸侯之所獨，故不以通喪廢大義，而吉凶不可相亂，則以冠服朝諸侯，以爲常禮，則不可以爲非禮，則亦不可傳及後世。率不能奪康王之爲，然後知二書之錄於經，非孔子不能權之於道，以盡萬世之變也。○呂氏曰：舜除堯喪格廟而咨岳牧，成王除武王喪朝廟而訪群臣，皆百代之正禮。然成湯方歿，伊尹遽偕侯甸羣后以制太甲，禮固有時而變也。說者不疑太甲受伊尹之訓於居憂之時，乃疑康王受召畢諸侯之戒於宅恤之日，過矣。○陳氏良傳述門鄉先生辯東坡之疑云：召畢二公皆盛德，又老於夏事者，豈

不知禮蓋其身先見周公擁輔太子而流言之變起於兄弟故於康王之立特爲非常之禮以與天下共立新居使之曉然知所定而無疑其意遠矣觀自秦漢而下授受成於宮闈之曖昧而擁立出於一人之予奪禍天下國家不少然後知二公老練坐鎮安危之機未易以泥常論也陳新安謂蘇氏之論主於守經葉呂陳氏之論出於達權守經合理之正而不可破達權亦當察事之宜而不可膠召公在當時必有迫於不得已懲創於往事而不敢輕者觀其布置舉措重大周密徵召會集翕合安徐若臨大敵當大難則當時事勢亦可想矣愚按新安此說固不以康王爲失禮也而末云於朱子之說兩存之亦只是經權隨時底意思蘇氏謂孔子

取此書者以其父子君臣間教戒深切著明故也。如果失禮則其大者已不足觀矣。雖教戒明切亦只餘緒耳。豈足見取於聖人而垂爲萬世之經哉。論語言可與立未可與權。聖人蓋深有取乎其權也。○說者云。使周公在。必不爲此。竊意當時卽有周公。亦必如此而不復如彼矣。蓋周召之心一也。

畢命

畢命一篇之要。只在保釐東郊。休於前政而已。呂氏曰。周公始遷商民。戒長治者不忌於凶德。包涵大度。善惡並育。以安反側也。至君陳則商民寢服周化。故簡脩進良。猶未大區別也。至康王則世變風移矣。苟猶兼畜並容。則餘孽不除。終爲良民之害。故命畢公分別居里。不惟惡不能以染善。亦將無以自容。勢不得不人於善矣。此周之治所以成也。蓋惟此時然後可以舉此政。爲治之序固如此。

保安釐卽卽下文旌別淑慝之謂。陳東齋曰。釐雖有辯別分理之意。

曰保則有恩意行乎其間。非斬然割裂無復潤澤也。以保爲釐蓋有欲並生哉之意。是則所謂一代之治體一篇之宗要也。

此節言得之之難

此節言化之之難

陳新安曰。誠厥誠卽下文旌淑彰善之事。所謂勸則使慝惡者皆克畏慕也。

懋德只是盛大之德。呂氏以爲勉於德者貫稚耄而不息。恐非

表儀朝著

注

朝著謂朝內列位有常處。史氏云。正色斂容而使人之

非意自消。出辭吐氣而使下之羣心胥服。

旌善剔惡成周今日由俗革之政也。五陽一陰然後可以夬決揚庭。

不知時義而錯施之爲惡者衆或以召亂矣陳新安曰旌別淑慝

一句綱也表厥至風聲三句旌淑也弗率至畏慕三句別慝也六此

句是又云不可爲癉惡所礙彰善卽癉惡彰善者而著之則惡者恥其不若然則惡者病矣

風必有聲聞卽聞風之聲也王夏分爲二字未當呂以使惡者遺

臭兼言不若專以樹善者風聲使流芳而人聞風興起也東郊之

政以保爲釐旌別淑慝者釐也義之盡也本心欲其畏慕而同歸

於善者以保爲釐也仁之至也卒化浮薄爲忠厚宜哉

靡靡相隨順之意如草之隨風而靡也利口卽辭體要之反所謂爭

口辯無其實也夏氏云政而好異則悅須臾而厭持久不能有恒

言而好異則言浮於理辭徒多而理不足安能體要陳氏云畢公

四世元老雖無此失而所以告戒之道當如是也

陳三山曰。人之心莫難收於已放之時。尤莫難閑於既收之後。苟其根上存。雖一時知所收斂。將觸事而發。此閑之所以爲難也。按下文訓以德義古訓。便是說閑之道。

心不遷於外物而可全其性命之正。陳三山謂既富以養其身。又訓以養其心。全正性所以順正命。此所以永年也。

德者心之理。義者理之宜。德義根於人心之所同然。此之謂大訓。古訓所載亦惟德義而已。卽人心之所同然。而證諸古所以然。非德義之外有古訓也。誰云德義雖出於人心同然之理而爲訓之大。然非稽古以爲訓。則吾恐德其德而非古人之所謂德。義其義而

非古人之所謂義。詎所謂無徵不信不信民弗從者也。故不由古訓其將何以爲訓乎。蓋訓以德所以化其陵德。訓以義所以化其滅義。惟本諸同然而民易從。參諸已然而民易信。閑之道孰過於此。

王氏矣曰。忿其不從而以剛制之。則必怨。慮其難制而以柔遇之。則必玩。惟不偏於剛柔而處之以中。則德允脩而商人化矣。

三后之時雖有始中終之異。而心與道實無始中終之殊。惟其心協道同。故能仁漸義摩而道化浹洽。綱舉目張而政事脩治。漸漬積累。澤之深入於民者。豈一朝一夕所能致哉。康王此言。期望於畢公者至矣。傳所謂成者預期之也。如此。

董氏鼎謂殷人所以久而未革者以殷俗尚質而其蔽也易惑而難曉。盤庚遷都爲民利耳。浮言胥動至煩三書之訓諭尚且如是况視隣人爲讎者於其言肯遽從乎。雖然無殷人之頑不見周家之仁。錮陰沍寒終消融於春風和氣中。嗚呼仁哉。感按張氏云在白起項羽處此則坑之矣。而周家忠厚寬恕激勵之方如是。嗚呼仁哉。

君牙

問君牙問命等篇見得穆王氣象甚好而後來乃有車轍馬跡馳天下之意何如。朱子曰此篇乃內史之屬所作猶

今之翰林作制誥然如君陳周官蔡仲之命徽子之命等篇亦是當時此等文字自有格子首呼其名而告之末又爲嗚呼之辭以戒之篇篇皆然觀之可見。○呂氏曰舜命契爲司徒止一語而君牙贊書至一篇世降而文勝也然周家之典

刑文獻所在焉

先王之臣孔傳作先正。陳東齋新安皆從之。

此告君牙以司徒之職也。

典曰弘敷欲其大而布之。使民無不聞也。則曰式和徵其敬而和之。使民無不化也。此言爲教之道。示以正在身後。其中在心。此則立教之本也。陳東齋曰。以其常行而不可易。謂之典。以其截然而不可越。謂之則。教之理雖不越乎人之性。然教之本則在君牙之身。與心正者。容有不中。中則無有不正。身之正。勉強脩飾者能之。心之中。非存養純熟不能也。故穆王既欲君牙正身。以率民身之正。尤欲其存心之中。以感民心之中。則民則和。五典俾乂敷典和則。因民心之同得者。教之。爾正爾中。即吾心之先得者。率之也。於身

先言爾於心先言民互文耳

此又告君牙以養民之難蓋司徒之職實兼教養也暑雨之時而阻之以無食祁寒之時而厄之以無衣民生之艱難誠何如也爲人上者不可不想其饑寒之艱尤不可不圖其衣食之易既能思之而又能圖之則怨咨者寧矣

文始謀造周故曰謨謨丕顯於前則其造有周之謀者至矣武功業成就故曰烈烈丕承於後則其成有周之功者至矣先王指成康言文武之光命成康已對揚之今又奉若成康所以對揚文武之意也如此則君牙可追配其祖父矣蓋能敬明乃訓自盡其職則於先王之道見其能奉若而不違於祖父之政見其能追配而不

爽。此在君牙所當深勉也。又按敬明奉若追配等字。陳氏皆分釋之。未富。

董氏鼎曰。穆王肆其侈心。所至將有車轍馬跡。而猶知以大司徒爲重。此所以雖荒而不至於亡與。

問命

太僕正者。羣僕之長也。上薰陶涵養乎君德。下簡擇表率乎僚屬。所繫甚重。故穆王府作書命問。與大司徒略等。謂之知本宜哉。張氏曰。伯冏之爲太僕正。穆王馳騁天下。而不能正救者也。然三復二篇。其言殷勤懇惻。何也。曰。唐德宗何人哉。陸贄作奉天詔書。山東父老爲之感泣。則二篇之命。豈非當時仁人君子。閉王之無志。故修辭立誠。以勸勵其臣下與。按。謂二書非出於穆王之口者。不止朱子。張氏然也。合他始終本末考之。便見。

聰明自其質之生。知者言之。齊聖自其德之充於極。至者言之。將順其美。謂之承。匡救其惡。謂之弼。呂氏曰。文武勳容周旋。何嘗不中。

禮號令何嘗不善。今必先言近臣承弼之功而後及此。蓋左右交脩近臣之常職。而內外交相養。亦聖人不已之誠也。林氏曰。左右近習非人。則朝夕漸染入於邪僻而不自知。故必羣僕皆正人而後可。○此節言以文武之聖。猶必得近臣之助而德修於上。化行於下如此。況遠不及文武者乎。蓋穆王有求助於伯冏之意也。問格字訓正。是如格式之格否。朱子曰。今人如言合格。只是將此一物。格其不正者。使歸於正。陳東齋謂匡救其惡而不知格其心。則止於東而生於西。惟格其非心。則拔本塞源。未流自正。

周禮止有太僕下大夫二人。此言太僕正。正其長也。群僕謂祭僕。隸僕。戎僕。齊僕之類。祭僕掌眡祭祀。隸僕掌上五寢掃除。戎僕掌馭戎。

車。齊僕掌馭金輅以賓。

張氏云。公卿進見有時。僕御褻近無間。有時者。見其尊嚴無間者。知其性情故。救過於無間之時。易爲力。救過於已發之後。難爲功。臣雖賢。君心已盡矣。故明爭顯諫。未易爲功。懋勉交脩。正侍御僕從之職也。

呂氏曰。治有體統。王雖急於求助。苟徧擇之。則叢脞矣。故命一伯冏作大正。使精擇其餘。此爲治之體統也。陸贄在唐。欲使諸司長官各舉其屬。亦庶幾有見於此。愚近見本朝胡敬齋先生言。此條理具備。可謂知治體矣。

小人蠱君之害。莫甚於使之自聖。呂氏說得極痛切。故集傳取之。傳言穆王自量執德未固。恐左右以異端進而蕩其心。後來車轍馬

跡周於天下。果導自檢人。然則耳目之官。不慎簡可乎。

呂氏曰。咎人才而論貨賄。近習之通弊也。自盤庚總貨寶之戒。至此復見。當成湯文武之隆。未數數以貨防其臣也。其商周之衰乎。陳三山曰。穆王於此及呂刑。皆言貨。亦可見其風俗之漸衰矣。竊見今日論貨賄者。又不獨近習然也。其風俗之衰。可勝慨哉。

傳於篇末錄呂氏之言云。穆王豫知所戒。而猶不免躬自蹈之。人心操舍之無常。可懼哉。讀者當深自警省。

呂刑

此據王之書而名呂刑者蓋呂侯爲王司勳上命之參定刑書以訓四方司政典獄者故以此爲名又按呂後改封

甫後人以子孫國號通稱之曰甫刑甫刑卽呂刑也○孔子

錄呂刑以垂戒後世其說始於程子而古之贖刑只是鞭扑

法之輕者呂刑乃及於大辟朱子辯之甚詳因謂想見那穆

王胡做到晚年無錢使後撰出那般法來聖人也是志法之

變處但是他其中論不可輕於用刑之類也有許多好說話

集傳因之○彭氏曰篇內言德言中不一而足者豈非制刑

必本於德用刑必合於中○中德二字實爲此篇之綱領也

耄亂荒忽蔡氏依孔傳爲貶之之辭陳新安云篤老而尚精明仁厚

却是褒之也分明相反詰訓治謂揆度時世作爲刑書以治四方

也又按周本紀穆王五十卽位立五十五年崩此言享國百年是

從王生年而數與無逸不同

史記五帝本紀神農世衰諸侯侵伐蚩尤最強暴黃帝與蚩尤戰於

涿鹿之野殺之

呂氏云五刑制自苗民然後聖人不得已而用之陳新安辯其非甚詳謂五刑其來久矣豈有苗民始作五刑舜乃效尤用之之理其不然必矣。○吳臨川曰苗民三苗之君也蠻獠之處擅自雄長雖君其國非受天子命而爲諸侯也其實一民而已五虐之刑比舊五刑更加酷虐也曰法非法而謂之法也殺戮大辟也剕刑皆剕辟不言剕辟者包於剕宮或曰刑字誤爲刵也掾宮辟黥墨辟并制一并制之不分輕重也有辭無罪者也凡對獄有罪者無辭無罪者有辭苗民承蚩尤之暴不用善而制以刑改作五虐之刑爲法大辟既施於無罪而又過爲四者深刻之刑凡麗於刑不分輕

重而并其制。無復簡別其無罪而有辭者。

朱子曰。呂刑一篇。如何穆王說得來散漫。直從苗民蚩尤爲始。作亂道起。按蚩尤苗民前後隔遠。諸家以九黎混雜言之。恐非。

罔中於信。無中心出於誠信者。信不由中也。

絕地天通。罔有降格。張氏謂絕在地之民。使人不得以妖術格在天之神。絕在天之神。使人不得假其名字以降於在地之民。唐孔氏解。司天屬神。司地屬民。謂令神與天在上。民與地在下。定上下之分。使民神不雜。則祭享有度。亦是此意。按治世神惟所以不與者。只爲善惡分明。自然不求之神。是聽於民也。亂世善惡不明。自然專言神惟言鬼言命。是聽於神也。○集傳謂重卽義。黎卽和。一云。

義是重之子孫。和是黎之子孫。

吳臨川曰。自上教下曰降。伯夷教民以禮。民入於禮而不入於刑。折絕斯民入刑之路也。禹爲司空治水。水由地中行而土可居。九州各主有名之山川以表疆域。稷降下播種之法。三農得以豐殖其嘉穀。三后各成其事。惟務繁盛其民之生聚。按末二句似不如集傳說得見成。餘皆可從。至夏氏以名字屬上主字未當。

呂氏說言有賓主。深得此篇以刑爲主之意。

呂氏云。自伯夷之典迄皋陶之刑。制度文爲之具也。自穆穆在上。明明在下。至率乂于民。斐然精神心術之運也。苟無其本。則前數者不過卜視工役農圃胥史之事耳。陳氏誰亦云。於以見帝舜之時。

不徒以刑治民而必以德爲化民之本。初非以刑殘民而必以刑爲輔性之法。傳所謂刑罰之精華者也。按刑之本必主於德而刑之用必合於中。德與中爲呂刑一篇之綱領。自此至於篇終所言無非以德爲本以中爲用也。

傳曰當時典獄之官。非惟得盡法於權勢之家。亦惟得盡法於賄賂之人。是炤下文賕威奪貨說。敬者察其情而心無敢或忽。忌者慎其法而意無敢或縱。敬忌之至。凡行之於身者皆可言之於口。不必擇而後言。所謂無毫髮不可舉以示人者也。天德無私。典獄者大公至正。便是天德克於我。則天之大命自作於我。而配天澤享天心也。小當皆我矣。陳三山云。死生壽夭之命乃天以制斯人者。今

典獄者德與天一。則制生人之大命不在天而在我矣。天能制人之大命。典獄者亦能制人之大命。豈非在下而與天配合乎。蓋用刑之極功。至於與天爲一者如此。穆王蓋欲當時司政典獄者取此以爲法也。董氏鼎曰。穆王諄諄以富貨戒臣下。而五刑皆有賸貨孰甚焉。可謂不揣其本而齊其末者矣。

此因上章言苗民及虞廷之刑。而欲典獄者知所監懲也。陳東齋曰。惟吉人能慈祥哀矜。察刑之中理而不妄用。察獄既不得其情。任獄又不得其人。是人與法俱弊也。

此告同姓諸侯也。則上章諸侯爲異姓可知。愆非得其情而喜。是以不弛其職。自慰底意思。東萊說得好。傳職舉而刑當本此。又云或

戒者必嘗情而後戒。雖曰追悔。方其情時。刑必有失其平者矣。蓋戒不勤善也。或戒不善也。○夏氏曰。於五刑所當重者重。無愧於三德之剛。而剛不至於太黃。所當輕者輕。無愧於三德之柔。而柔不至於大儒。介輕重之間者。無愧於三德之正直。而正直不至於偏倚。如是。則足以敬迓天命矣。由此觀之。陳氏謂成民之德。其謬明甚。○按敬者勤之本。勤者敬之發。惟其用心也敬。故其臨事也勤。能敬能勤。則刑非刑也。德也。刑非刑也。福也。福至永久安寧。而不替敬勤之效。其大爲何如。是蓋勉諸侯之同姓者。以敬勤爲用刑之道也。

有民社者。皆在所告也。是并同姓異姓諸侯而戒之。一說有邦謂諸

侯有土謂卿大夫亦通三言何者設爲問辭以致其疑三言非者
設爲答辭以致其決吳氏云在今日爾諸侯欲安百姓何者當擇
非人乎何者當敬非刑乎何者當撓度非及乎罪非已造爲人所
累日及秦漢間詔
獄所及謂
之逮獄也此條於問答語意說得出一說刑雖主於刑人然刑姦
宄所以扶善良雖曰不祥乃所以爲祥也故刑曰祥刑

兩造具備者兩爭者皆至而詞證皆在也張氏曰兩造非偏辭師聽
非偏見一人獨聽恐聰明有不及思慮有不至必衆聽之也愚按
今人會審蓋原於此

傳曰審克者察之詳而盡其能也下文屢言以見其丁寧忠厚之至
惟貌有羞辭或可僞而貌不可掩如不正則眊有愧則泚之類是也

蓋罪之當刑者必又於此考察之慎之至也。具嚴天威一句是總結上文。其俱也。謂上所言者皆敬乎天威而不敢有毫髮之不盡也。單承無簡不聽說者恐非。

陳氏曰。此下言贖法。載於法謂之刑。加於人謂之辟。犯墨辟而情罪之可疑者則赦之。使贖其罪。是罰之納贖也。然必檢閱核實其罪。使與罰相當。不可苟也。下倣此。○六兩曰錙。唐孔氏曰。古者金銀銅鐵總號爲金。孔氏以爲黃鐵。舜典金作贖刑者。則以爲黃金。蓋古人之贖罪悉皆用銅。或稱黃金。或稱黃鐵。○周禮五刑之屬二千五百。云呂氏曰。墨劓所增皆輕刑。墨劓各增五百。宮所損二百。大辟所損三百。皆重刑也。荆無增損。居輕重之間者也。輕罪則多於前。重

罪則損於舊。觀其目則哀矜之意。因可見。觀其凡則文勝俗弊亦
可推矣。○夏氏曰。上言罰。下言刑者。罪實而加以法。謂之刑。罪疑
而贖以金。謂之罰。互見其義。以明刑罰之條其數同也。別言罰屬
合言刑屬
明刑罰上下比罪。謂於法無此條。則上比重罪。下比輕罪。觀其所

犯當與誰同。然後定其輕重之法。如今律無明文。則許用例也。云一
以其罪而比附之上刑。則見其重。以其罪而比
附之下刑。則見其輕。故於輕重之間裁酌之。然當上下比罪之

時。吏多因緣爲姦。差錯妄亂。實由以生。故又戒以不可用私意而
僭差妄亂其辭。僭謂辭在此。乃差而之彼。亂謂辭本直。乃亂而爲

曲。惟內察以情。外合以法。內外兩盡。情法相推。惟詳審者能之。當

在審克之而已。○按三千者。法之正條。載之刑書者也。然刑書所載有限

而天下之情罪無窮。又在用法者斟酌損益之。上下比罪是也。蓋法所載者任法。法不載者參以人人與法並任。萬世不易之道也。上服非服最上刑。只是比之下刑爲重。先後有序。謂之倫。衆體所會。謂之要。張氏曰。殺人者死。此上刑也。然有誤殺者。此適輕也。則服下刑矣。鬪毆不死。此下刑也。然有謀殺而適不死者。此適重也。則服上刑矣。用刑豈可不問情之輕重哉。至於用罰亦當權其輕重。情輕則罰亦輕。情重則罰亦重。以情爲權。而論疑罪之輕重。則罰亦當矣。刑權輕重以爲上下。罰權輕重以爲多少。陳東齋云。刑罰有權。權人情而爲輕重。卽所謂權一人之輕重也。世輕世重。權世變而爲輕重。卽所謂權一世之輕重也。按人情世變不同。則刑罰

輕重便當惟權是用而欲爲一法以齊之其齊也乃所以爲不齊必以不齊齊之則齊矣然雖齊之以不齊至於先後次序之倫衆體所會之要則截然其不可紊也

辭非情實終必有差故從其差者察之多得其情哀則不忍敬則不忽所謂惻怛敬畏以求其情也陳氏曰庶者見中正之爲難典獄者不當自足以爲己得中正也輸之於上備載罪法之輕重事情之本末不可缺略兩刑謂一人有兩罪二罪有二法并具上之以聽命於上不敢專也○按傳自非佞至在中是言聽獄者當擇其人也自察辭至克之是言聽獄者當盡其心也自獄成至兩刑是言讞上獄者當備其辭也

陳東齋曰。此章首云告爾。詳刑至安。百姓言制刑之本意也。何擇至非及言用刑之綱領也。自兩造至天威言聽獄之節奏也。自墨辟至三千言贖法及刑書之定目也。自上刑至有要言用刑之權變也。自罰懲至克之言折獄而用法也。自獄成至兩刑言結獄而奏案也。反覆丁寧備矣。譙氏謂猶有唐虞忠厚惻怛之意。此夫子所以有取於是書也。

此總官伯族姓而告之也。其本文傳固有疑而闕者。間亦有解釋未甚瑩者。今姑采諸家說補之。有德惟刑。言有德於民者。惟此刑耳。兩辭之獄。每可容私。家于獄。如君子不家于喪之家。言無或以私意而求成家于獄之兩辭也。是致富成家之意。惟府辜功者。貨積

而罪亦積。乃所以聚汝辜罪之功狀。庶尤猶言衆罪。受貨而富。若可喜。計貨而報之以庶罪。永可畏也。竊獄而降罰。非天道不中。蓋以人之爲人。在於有生之命。陷人命以至於死。天豈容之哉。若天之罰不如此其極。則獄吏將無所畏。恣爲深刻而施之於庶民者。皆酷虐之政。無復有令善之政。在于天下矣。○陳東齋曰。任刑之大本在敬與中。用心以敬爲主。用法以中爲主。前已論之。此復提敬與中訓之。後章復申以中焉。

呂氏曰。中者。呂刑之綱領也。苗民罔是中者也。皋陶明是中者也。穆王之告司政典獄。勉是中者也。末章訓迪自中之外。亦無他說焉。陳新安曰。師曰。嘉師良民也。刑曰祥刑良法也。此申明前告爾祥。

刑之意而欲其監觀于所告之祥刑也。○沈毅齋曰：穆王一人之身而此心凡三變焉。雖周道自是而衰，然罔命之書專主乎欽，呂刑之書專主乎敬，心法之傳千載猶可想也。吁！人心操舍存亡之變，抑可畏哉。

董氏鼎曰：周書未有舍文武成康而不言者。穆王命君牙伯冏既然矣，獨於訓刑無一語及之者，蓋以贖刑非其家法所有，故遽取金作贖刑以爲據。竊思舜既以五流而有五刑矣，鞭朴之輕者乃許以金贖，所以養其愧恥之心而開以自新之路。曰眚災肆赦，則直赦之而已。穆王乃以刑爲致罪，以罰爲贖金，既謂五刑之疑有赦，而又曰其罰若干錢，則雖在疑赦皆不免於罰贖。五刑盡贖，非竊

獄乎。自是有金者雖殺人可以無死而刑者相半於道必皆無金者也。中正安在哉。然不見斥於孔子則猶拳拳於哀矜畏懼。雖越先王之良法而美意尚存與。愚謂示戒之意畢竟居多。天討有罪五刑五用。古帝王數千年相承之法。一旦變於此。孔子得不存之以示後世哉。

文侯之命

古之謂書自此篇以下無後王者之誥命矣。呂氏說東遷之初可上可下。乃世道消長升降之交。會夫子

編此書於二帝三王之後者。深惜平王不能復文武之遺澤而流爲春秋戰國也。法語舊典尚有一二未泯而陵遲頽墮之意已見於辭命間矣。夏氏云。書終文侯之命。孔子猶有望于平王。春秋始于隱公。孔子蓋絕望于平王也。陳新安又云。此書略無立志。全不以綱常辭恥爲務。其皮計皮申之師歸惠公仲子之賵。雖於詩與春秋而見其兆已於不能善始之書先見矣。夏氏謂春秋始於隱公。夫子始絕望於平王。吾惟書終于文侯之命。夫子蓋已不滿于平王云。

吳臨川云。周家之命集於文王。定於武王。故集命則以文王言明德。則兼文武言。先正文武之臣。先祖則文武而下諸君之爲平王祖者也。

民爲邦本。殄資澤于下民。便是本。旣先撥呂氏謂百圍之木。膏液內涸。然後風得而拔之。未有所民資澤未絕而戎狄能乘之者。是蓋推本禍亂所由也。按平王徒延頸企踵。以望諸侯之助。而不思反身以自強。又惟自幸永安其位。而早早以位爲樂。所謂略無立志。陵遲頽墮者。可見矣。哀哉。

傳以顯祖文。人爲唐叔是矣。又謂卽上文先正昭事厥辟者。恐非平王東遷之始。正當留相文侯與之討賊復讎。振興王業。乃拳拳於

爾師爾邦爾都而置我君我父我王家於不問董氏以不仁譏之誠然又云夫子猶錄此書者以其尚能錫命諸侯而文武之遺澤亦未盡泯却只就集傳之末上一句恁地說到底傳意還重下句示戒於天下後世與呂刑同

費誓

孔傳云費魯東郊地名蘇氏非之謂費在東海郡後爲季氏邑國外十里爲郊費非魯東郊當時治兵於費也又云

伯禽爲方伯監七百里諸侯師之以征張氏沂謂唐孔引費誓序言王伐淮夷魯伐徐戎是魯侯佐王征討也蔡氏元度亦言魯侯承王命率諸侯以征徐戎却是如此又云諸侯之事而連帝王孔子誓序以魯有治戎征討之備秦有悔過自誓之戒足爲世法故錄以備王事猶詩錄商魯之頌雖集傳從之竊恐未可盡信也○朱子曰費誓秦誓亦有說不行不可曉處

此治戎備之事傳曰先自治而後攻人亦其序也○備訓具每弓百

矢。使其數備足。一云五十矢爲束。或臨戰用之。

此除道路之事。令軍在所之居民也。唐孔氏曰。旣言牛馬在牝遂以牝爲牛馬之名。禮。冥氏掌爲弇獲。獲以捕虎豹。穿地爲深坑。又設機其上。防其躍而出也。弇以捕小獸。犬必不能出。其上不設譏也。蓋弇與獲皆穿地爲坑。但以機之設不設爲異耳。

此嚴部伍之事。蓋軍以各居其所不動爲法。呂氏曰。自古喪師。每因剽掠失部伍。爲敵所乘。本部不敢離局。他部不敢匿姦。何潰亂之憂。

此立期會之事。唐孔氏曰。周禮萬二千五百人爲軍。一家出一人。一鄉爲一軍。天子六軍。出自六鄉。則諸侯大國三軍。亦出自三鄉也。

諸侯之制亦當鄉在郊內遂在郊外此云三郊三遂三鄉謂三鄉也。○吳臨川謂峙糗糧不言魯人者蓋統告諸侯在會之人糧食當自賁持也。榘榦芻茭非遠國所能自賁故責之魯人也。

董氏鼎曰此國史所書而孔子存之於帝王之後者以周禮猶在魯也。雖一時禦敵未足盡魯侯之美然卽此一事而本末先後輕重緩急井然有條規模整暇魯侯其賢矣哉。張氏震曰是書詳於自治而略於治人。有志於守而無志於戰王者之兵也。故孔子取之。○呂氏曰禹之家學見於甘誓周公之家學見於費誓啓之嗣位驟當有扈之變伯禽就封驟當徐夷之變觀其誓師曲折纖悉若老於行陣者是以知禹周公之家學蓋本末具舉而無所遺也。

秦誓

春秋僖公三十二年晉人及姜戎敗秦于殽。胡傳曰：人晉君而以狄視秦也。○諸家因書序謂此篇專取穆公悔

過。愚按春秋敗殽之後，復有彭衙濟河之師，用孟明至再，至三，必報怨而後已，全與誓中悔過初意相反。則亦徒悔已耳。

夫子奚取哉？楊龜山云：或謂聖人之取秦誓，專以其悔過非也。書之有二誓，以志帝王之誥命，於是絕也得之矣。○陳氏

寅曰：夫子存二誓於魯，以著伯禽之是於秦，以著穆公之非。伯禽之時，其征徐戎，奉王命以討亂華，大義也。殽鄭之役，無

王擅兵，雖敗而自悔，其心終在於報怨。夫子於書秦誓終以見周室之不復振也。要書終於胤征，商書終於西伯戡黎，而

周書終於秦誓，其旨一也。此條說得有關係，亦甚切實，與楊氏所見略同。

若弗云來，憂改過之無日也。

古之謀人，謂蹇叔等。今謂杞子、逢孫、楊孫等。

旅與薺，通脊骨也。不違中度，無失也。

陳東齋云：惟無技能容人之技。曰其如有容，莫測其度量而難乎形。

容也。心之好不啻如口之稱口之稱美有限。心之好慕無窮。此諸
好有總之真切。又甚於視有才者之若已有矣。是真實能容。非他
強也。好善之利流澤無窮。故曰亦職有利故。譚氏云。一己之技能
爲有限。而天下之才德爲無窮。夫臣惟不用己而用人。故善之集
國者衆而福之集國者遠也。

陳新安曰。此章大學平天下傳引之。其形容能容不能容者之情狀
利害可謂至矣。宜孔子定書不能廢其言也。

枳如木之動搖。隄如阜之圯壞。集傳謂國之安危繫所任一人之是
非。是如上所謂能容。非如上所謂不能容。申繳上二章有照應。

按此誓是秦穆初喪師時愧悔底說話。悔過固是可嘉。然聖人所重

却在悔而能改上。穆公悔用孟明而卒用之。憐不用蹇叔而卒不用他那口裏說底。只是一片虛話了。謂聖人取他全爲此。是怎生地。此處只有楊龜山說得好。然聖人不以人廢言。他誓中自如有。一介臣以後其言。却可治國平天下。爲萬世法。抑或。以是存之與。